

Supervizor za Brčko produžava naimenovanje direktora Uprave prihoda Distrikta

Supervizor za Brčko Susan Johnson danas je ponovo produžila naimenovanje gđina Osmana Osmanovića na radno mjesto direktora Uprave prihoda Distrikta od 1. 1. 2006. godine, da obnaša svoje dužnosti sukladno Statutu i zakonima Brčko Distrikta Bosne i Hercegovine.

Gđin Osman Osmanović je naimenovan za direktora Uprave prihoda Distrikta dopunom Naloga supervizora o naimenovanju članova prijelazne Vlade Brčko Distrikta Bosne i Hercegovine od 26. 5. 2000. godine. Njegovo naimenovanje je produženo usljed nedovršene reorganizacije finansijskih upravnih organa Distrikta. Njegov posljednji mandat je istekao 31. 12. 2005. godine.

U svjetlu preporuka stručne konzultantske tvrtke Deloitte u pogledu restrukturiranja sistema finansijskog upravljanja u Brčko Distriktu, koje su sadržane u izvješću iste od 20. 10. 2004. godine, da se izvrši restrukturiranje i reorganiziranje Uprave prihoda Distrikta, Odjela za proračun i financije i Porezne uprave, supervizor vjeruje da bi natječaj za radno mjesto direktora Uprave prihoda Distrikta u ovom momentu narušio kontinuitet rada i iskomplikirao obavljanje stručne analize i primjenu preporuka iz iste.

Ponovno naimenovanje gđina Osmanovića je na snazi sve dok Vlada Distrikta ne usvoji stručne, neovisne preporuke za buduću strukturu Uprave prihoda Distrikta i iste ne implementira, ili do 30. 6. 2006. godine, u zavisnosti od toga šta od navedenog bude prvo.